

Član 19.

Pogrešno ili više uplaćeni prihodi u Budžet vraćaju se uplatiocima na teret tih prihoda. Rješenje o tome donosi Ministarstvo finansija.

Član 20.

Korisnicima osiguravaju se sredstva za obavezno osiguranje u skladu sa posebnim propisom.

Član 21.

Visina dnevnica, naknada za putne i druge troškove koji nastaju u vezi sa službenim putovanjima utvrđeni su Uredbom o naknadama za putne troškove ("Službene novine Kantona Sarajevo", br. 8/97, 18/97, 6/98 i 2/01).

Član 22.

O dinamici utroška planiranih izdataka za nabavku stalnih sredstava, na prijedlog resornih ministara, odlučuje Vlada.

Član 23.

Ministri mogu donositi odluke o utrošku sredstava u okviru namjena planiranih u odgovarajućim razdjelima, do iznosa od 10.000,00 KM mjesečno, o čemu izvještavaju Vladu kvartalno.

O utrošku sredstava za utvrđene namjene iznad iznosa iz prethodnog stava odlučuje Vlada.

Član 24.

Sredstva utvrđena u razdjelu 10. Budžeta grant političkim partijama rasporedit će se tako da se 30% od planiranog iznosa rasporedi na političke partije u Skupštini Kantona u jednakim iznosima, a preostalih 70% prema kriteriju učešća broja poslanika u Skupštini Kantona.

Vlada zaključkom raspoređuje sredstva utvrđena u razdjelu 12 Budžeta, tekući grant udruženja građana i druge organizacije.

Član 25.

Izdaci za nabavku stalnih sredstava evidentirat će se u pomoćnim knjigama za stalna sredstva korisnika. Izuzetno od prethodnog stava, sredstva predviđena za rekonstrukciju puteva, deponiju smeća, mjerenje buke, rekonstrukciju i održavanje javne rasvjete i vertikalna i horizontalna signalizacija, evidentirat će se kao kapitalni grantovi.

V - KAZNENE ODREDBE

Član 26.

Novčanom kaznom od 500 KM do 1.000 KM kaznit će se za prekršaj odgovorno lice korisnika Budžeta ako sredstva Budžeta ne upotrebljava za one namjene za koje su sredstva utvrđena i ako preuzmu obaveze iznad sume utvrđene u Budžetu (član 5).

VI - ZAVRŠNE ODREDBE

Član 27.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo", a primjenjivat će se od 1. januara 2003. godine.

Stupanjem na snagu ovog zakona prestaje da važi Odluka o privremenom finansiranju potreba Kantona Sarajevo za period januar - mart 2003. godine ("Službene novine Kantona Sarajevo", broj 1/03).

Broj 01-02-5272/03  
1. aprila 2003. godine  
Sarajevo

Predsjedavajuća  
Skupštine Kantona Sarajevo  
**Meliha Alić, s. r.**

Na osnovu člana 18. stav 1. tačka h. i člana 38. stav 1. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00 i 4/01), Skupština Kantona Sarajevo, na sjednici od 1. aprila 2003. godine, donijela je

**ZAKON**

**O IZMJENI ZAKONA O POREZIMA KANTONA SARAJEVO**

Član 1.

U Zakonu o porezima Kantona Sarajevo ("Službene novine Kantona Sarajevo", broj 8/02 - prečišćeni tekst) u poglavlju III POSTUPAK UTVRĐIVANJA I NAPLATE POREZA u tački 7. otpis poreza zbog nenaplativosti, u članu 143. stav 2. mijenja se i glasi:

"U slučaju smrti dužnika Vlada može otpisati dospjeli dužni porez kao nenaplativ.

Porezna uprava utvrđuje nenaplativost poreza iz prethodnog stava".

Član 2.

Ovaj zakon stupa na snagu osam dana od dana objavljivanja u "Službenim novinama Kantona Sarajevo".

Broj 01-02-5273/03  
1. aprila 2003. godine  
Sarajevo

Predsjedavajuća  
Skupštine Kantona Sarajevo  
**Meliha Alić, s. r.**

Na osnovu člana 13. stav 1. tačka e) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00 i 4/01) i člana 8. Zakona o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", broj 36/99), Skupština Kantona Sarajevo, na sjednici održanoj 1. aprila 2003. godine, donijela je

**ZAKON**

**O IZMJENAMA I DOPUNAMA ZAKONA O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM**

Član 1.

U Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 16/02), u članu 12. stav 1. iza riječi "godini", dodaju se riječi: "pomnožena sa odgovarajućim koeficijentom".

Iza stava 1. dodaje se novi stav 2. koji glasi:

"Vlada Kantona Sarajevo će svojim aktom utvrditi visinu koeficijenta, s tim da osnov ne može biti manji od onog utvrđenog u prethodnoj godini".

Član 2.

U članu 143. u stavu 1. riječi: "njene prosječne plaće ostvarene u periodu od šest mjeseci prije porođaja", zamjenjuju se riječima: "prosječne plaće".

PRELAZNE I ZAVRŠNE ODREDBE

Član 3.

Korisnici koji su ostvarili pravo na naknadu plaće ženi-majci i novčanu pomoć ženi-majci, po Zakonu o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 16/02), a na koje se odnose odredbe Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, završit će ostvarivanje započetog prava u skladu sa donesenim rješenjem.